

Kgaolo 1

Mokgwa wa go tthalosa dilo.

Leina la Segerika ke **Apokalips**

Go raya gore sesiro se a bulwa / sethibelo sa pitsa e a thibolwa, gore o tle o kgone go lemoga gore go diragala eng mo pitseng.

Leina le tthalosa gore mo bukeng sesiro se a bulwa, gore sengwe sa dithulaganyo tsa kakanyo ya Modimo di lemogwe.

Re ya go tsenela tthaloso ya buka ya Tshenolo jang ? Re ya go e tthalosa jaaka e itlhagisa ka teng ka boyone. Ga re na go itira batlhale go feta Modimo Mowa o o Boitshepo mme ra baya dikakanyo tsa rena kwa pele go dumela mo go se rona re se batlang kgotsa nyaa.

- Buka ya Tshenolo e tthalosa ka boyone gore diteng tsa yone ke tse di tswang go Modimo ka Boene.
- Diteng tsa yone di senotswe ka taelo ya Modimo le ka botsereganyi ba Modimo Jesu Keresete go moapostola.
- Johane o ne a sa itse sepe ka ga se se yang go senolwa ke Modimo.
 - Diteng tsa buka ya Tshenolo gase
 - se se tthamilweng ke Johane ka boene
 - se se tlleng ka dikakanyo tsa gagwe le tsa nako ya gagwe
 - se se neng se akantswe le go bonelwa pele ke ene ka ga bokamoso

Buka ya Tshenolo ka nako ya yone e ne e tthalosa gore bontsi ba diteng tsa yone tse di senolwang di santse di ya go diragala.

- Modimo o laetse Johane gore a kwale se a mo di senotseng.
- Modimo o senotse bontsi ba dilo ka go dirisa dikao go Johane. Lebelela go kwadilwe eng mo dikgaolong tse di latelang :

Jaanong ga bonala sesupose segolo mo legodimong, ebong mosadi yo o apereng letsatsi, ngwedi o le fa tlase ga dinao tsa gagwe, mo tlhogong ya gagwe go le serawalo sa dinaledi di le 12. (Tshenolo 12:1)

Ga ba ga bonala sesupo se sengwe mo legodimong, ga bonala kgwanyape e kgolo, e khibidu jaaka molelo, e na le ditlhogo di le supa le dinaka di le lesome mo ditlhogong tsa yone go le dirwalo di le supa. (Tshenolo 12:3)

Foo go batlega tthaloganyo e e nang le botlhaleDitlhogo di supa ke dithaba di supa tse mosadi a dutseng mo go tsona, e bile ke dikghosi di le supa. (Tshenolo 17:9)

Bontsi ba dilo tse di tlhagelelang mo bukeng e di tshwanetse tsa tsewa e le dikao / ditshwantsho mme tsa tthaloswa jalo.

Buka e bua ka dilo tse di farologaneng le dinako tsa teng:

- e senola se se yang go diragala kwa bokhutlong ba nako
- mme gantsi e senola le tiragalo ya mo lefatsheng go fitlhela Jesu a goroga gape
- e tthalosa ka ga dilo tse di yang go diragala fa Jesu a goroga
- e tthalosa gape ka ga dilo tse di setseng di diragala mo legodimong

Tshenolo 1:1

Tshenolo ya ga Jesu Keresete, e Modimo e o mo neetseng go bontsha batlhanka ba gagwe dilo tse di tshwanetseng di akofa go diragala, o ne a roma moengele wa gagwe, a e itsise Johane, motlhanka wa gagwe. (Tshenolo 1:1)

Matseno le bokhutlo ba buka e di lomaganye. Se se senolwang mo kgaolong ya 22:6-20 se khutswafaditswe mo kgaolong ya 1:1-3)

Buisa dikgaolo tse mo beibeleng ya gago.

Se se tlhagelelang mo Tshenolong 1:1 se ka bewa jaana:

Tshimologo: *Modimo ke Motswedi o o tlhalosang ka Modimo Jesu Keresete.*

Diteng: *Dikakanyo tsa Modimo go tswa kwa go bopeng ga tsotlhe go fitlha kwa bokhutlong.*

Di lebisitswe mang: *Kereke ya Modimo(babuisi ba buka).*

Jesu Keresete o botlhokwa thata mo bukeng e ya Tshenolo.

Go bontsha gore Mosenodi e le Ene Mogolodi yo a di diragatsang. Go raya gore buka e gase fela dikakanyo tsa ga Johane – Jesu Keresete o tlhomilwe ke Modimo go senola dilo tsotlhe tse di kwadilweng mo bukeng eno. Go raya gore ke tshenolo ya Modimo.

Buisa ditemana tse di latelang.

Modimo Jesu Keresete ke Motsereganyi mo gare ga Modimo le batho.

1Timotheo 2:5

Seriti sa ga Jesu Keresete le tiro ya Gagwe di beilwe ke Modimo o o Mo romileng.

Johane 3:16 , 6:38-40.

Modimo Rara o diragatsa mme o tlhagisa dikakanyo tsa One ka Jesu Keresete.

Johane 5:20-30.

Modimo Jesu Keresete ke mpho e re e neilweng ke Modimo gore re tle re kgone gio amogela bophelo bo bo sa khutleng.

Johane 4:10

Modimo Morena Jesu Keresete gape ke motlhanka wa Modimo. O nopola mo go Jesaya go re lemosa gore Modimo o bua ka ga Ene.

Luka 4:18-19 le **Jesaya 61:1**

Modimo Moreana Jesu yo o tlhagelelang mo bukeng ya Tshenolo ke morongwa wa Modimo yo go neng go buiwa ka ga Ene gore go ya ka dingwagagolo o tla diragatsa thato ya Modimo jaaka go tlhalositswe.

Jesaya 42:1

Ke se O re senotseng sone go tswa mo bukeng ya Tshenolo.

- E re senola tiragatso ya Modimo jaaka go ne go diragala go tswa mo dingwagengkgolo go ya bokhutlong.
- E re senola gore o tlhoma taolo ya One mo lefatsheng ka bophara.
- E re senolela gore o diragatsa thato ya Modimo ka botlalo go ya bokhutlong – mo ba ba tlaotsweng ba ya go tswa mo lefatsheng lena, ba bopiwa seša mme ba ye go tswelala le Modimo mo Lefatsheng le leša.

... se se tshwanetseng sa diragala ka bonako ...

Go na le mafoko a le mabedi a a rweleng bokao bo bo leng botlhokwa.

- **Tshwanetse**
- **Tshoganyetso**

Lefoko la **tshwanetse** le bontsha gore Thulaganyo ya Modimo ga e na go fetoga. Tse di rulagantsweng di **tshwanetse** tsa phetagala. Ga go na sepe se se yang go thibela se go diragala.

Lefoko la **tshoganyetso** le bontsha gore Modimo o batla gore dikakanyo tsa gagwe di phetagatswe ke Jesu Keresete **ka bonako**.

- Lefoko le le tlhalosa gore se se yang go diragala se ya go tla ka tshoganyetso. Jaaka ka go ponya ga leitlho.
- Gantsi go raya gore dilo di tshwanetse tsa diragala kwa ntle ga go di beela thoko.

Bona gore go tlhagelela jang mo Lefokong la Modimo:

Johane 13:27

1 Timotheo 3:14

Bahebera 13:19, 13:23

Ditiro 17:15, 12 :7, 22:18, 25:4

Luka 18:8

Baroma 16:20

Matheo 5:25, 28:7-8

Mareko 9:39, 16:8

Tshenolo 2:16, 3:11, 11:14, 22:7, 22:12, 22:20

Ke mang yo o diragatsang tshenolo go Johane ?

- Morena Jesu ka boene o tlhagelela mo tshimologong le kwa bokhutlong go Johane.
- Dilo tsotlhe tse dingwe Modimo o di thagisa ka moengele go Johane.

Tshenolo 1:2

Mo temaneng e Johane o gatelela tsotlhe tse a di lemogileng.

- Ga se magatwe
- O fa bopaki ka boene
- Tsotlhe tse di kwadilweng mo bukeng e, di diragetswe ka ene.

Ela tlhoko gore o re tshepisa diteng tsa buka e jang ?

- Ke Lefoko la Modimo

- Ka mafoko mangwe: Tsotlhe tse a di kwadileng e ne e le ditaello go tswa kwa Modimong. Tsotlhe tse di diragetseng e ne e le ka taelo ya Modimo.
- Diteng tsa buka yotlhe ke bopaki ka ga Morena Jesu Keresete.
 - Thulaganyo ya Modimo e senolwa ka botlalo ka kgololosego e e tlisiwang ke Morena Jesu.
- Johane o bone tsotlhe di diragala – Modimo o ile a mo lemosa tsotlhe.

Tshenolo 1:3

Se ke ya ntlha ya dipolelo tsa poloko mo bukeng ya Tshenolo.
Palo ya bosupa e dirisiwa gantsi mo bukeng ya Tshenolo.

Go bolokilwe yo a balang mafoko a boporofeta.

Gase gore mongwe le mongwe yo o balang mafoko a o bolokegile.

- Mafoko a a bua ka ga yo o balelang phuthego go tswa mo lefokong. Bogologolo go ne go sena batho ba le bantsi ba ba neng ba kgona go bala.
- Go ne go tlhola go na le mongwe yo a neng a balela makwalo go bareetsi – re mmona fa pele ga bone.
 - Ka ba ne ba sa kgone go bala molaetsa ba ne ba o amogela fela ka ditsebe, o ba baletswe. Ba ne ba tshwanetse ba ele tlhoko gore mafoko a seka a ba latlhegelwa.

... ba boloke se ba se lemogileng go tswa mo go one mafoko ...

- Ba ne ba sena dibuka ka ba ne ba sa kgone go di buisa.
- Dibuka di ne di le ya tlhwatlhwa e e kwa godimo – ba ne ba humanegile thata.

Mafoko a poloko a laela gore bonete go tswa kwa Modimong bo fetisetswe go batho botlhe.

- Baphuthego ba tshwanetse ba tseye mafoko a mme **ba a boloke** sentle.
- Go a boloka go raya gore ba a diragatse mo maphelong a bone. Mongwe le mongwe o tshwanetse a ele tlhoko se Modimo a re senotseng sone mme a dire melaetsa ya teng go nna ya gagwe.